

Crema a page 8 a l'anno; fo presa: 27 di no, 140 de si.

235\* Fu posto per li Savii ai ordeni, excepto sier Andrea Trivixan, una parte di elezer per scurtinio in questo Consejo do Provedadori sora il cofimo di Damasco et do sora il cofimo di Alexandria in loco di quelli sono che hanno compido, i quali siano obligati e habino liberta di reveder et examinar tutti li conti di le spexe fate per diti cotimi e tute altre cose a quello pertinente; aver debano quella utilità et beneficio che hanno li precessori, *videlicet* 15 per 100 de tutto quello i recupererano et convertirano in beneficio di diti cotimi, tra loro et Bernardin Zambon scrivani, come si contien in la eletion di precessori sui. Et perchè questi sono al presente hanno a meter alcune parte etc., questi saranno electi, debano intrar al primo di Octubrio proximo: et fu presa.

Fu posto, per i Savii dil Colegio, absente sier Vettor Foscarini, che tutti li debitori di la meza tansa et decima ultimamente posta a restituir debano pagar con il don, come si scuode al presente, per tutto il prexente mexe, et integre e taiate a raxon di 30 per 100 persi; et passato il ditto termine, sia, per i Cassieri dil Colegio, fato le marele, nè si possi più pagar se non a 30 persi senza don, et li scrivani debano *statim* mandar li debitori a palazzo soto pena di privation; et passà, a di 15 Avosto siano scossi con pena di 10 per 100. Ave 13 di no, 163 de si.

Fu posto per li diti, che consoziachè restino debitori di 6 decime, zoè numero 93, 94, 95, 96, 97, et 98 per z' rcha ducati 80 milia, che tutti quelli sono debitori possano pagar oltra i sconti con il credito di la meza tansa numero 12, quarto di tansa numero 9, 11 et 12 crediti di la prima graveza posta a la Camera d'imprestedì senza don, e questo in termene de zorni 8; et pasado, li scrivani debano conzar le scritture et meter li debiti a l'incontro di crediti prediti, et ponerli in la Signoria la execution; di la qual parte sia commessa a li 3 procuratori sora la exation di debitori. Ave 15 di no, 154 de si.

Fu posto, per li diti, di le tenute tolte di stabeli in la Signoria nostra, il modo si habino a vender; la copia sarà posta qui soto. Et ave 12 di no 157 de si, et fu presa.

Fu posto, per li diti, una parte di quelli sono creditor di la Signoria nostra, il modo si habbi a dar il credito; qual à molti capi, et sarà notada qui soto. Ave 69 di no, 84 di si; fo presa.

Fu posto, per li Consieri, *cum sit* che dil 1511, a di 11 Zugno. fusse preso in questo Consejo che li nodari di la comunità di Seravale facesse le scritture civil et criminal; la qual *noviter* è stà intromessa per sier Francesco Bolani avogador di comun et se dia placitar a questo Consejo, qual per le occupation di la terra non si pol haver, però sia preso che la ditto causa si possi menar a le Quarantie. Ave 5 di no, 156 di si, et fo presa.

Fu posto, per li diti Savii, che havendosi oferto sier Andrea Vendramin e fradeli di Latisana prestar a la Signoria ducati 325, ch'è la paga di fanti è a Latisana numero 100, ch'el sia preso che, dando li diti ducati 325, i possino scontar in ogni angaria che si meterà con li doni come fusse contadi: i qual danari li mandi in uno gropo al locotenente a Udene, qual habi a mandar il vicecolateral a far la monstra e dar la paga a li fanti sono in dito loco di Latisana: 10 di no, 138 de si.

*Die 19 Julii 1515, in Rogatis.*

236

Sono stà messi in la Signoria nostra diversi beni di debitori nostri questi mexi pasati, da poi facti li incanti debiti secondo la forma de li ordeni nostri; et perchè è conveniente proveder che in questi urgenti tempi la Signoria nostra se possi servir de quella maior summa di danari se potrà, l'anderà parte che: cadauno che in termine di zorni 10 proximi vorà exborsar a la Signoria nostra la mità dinar contadi, et l'altra de danari acompagnati, li siano asignati de li diti beni tolti in tenuta con quel precio et condition che sono stà posti in la Signoria nostre; et *similiter* se observi de li beni che se torano in tenuta sempre, con el termine de zorni 10, pasato el qual non se possi più per alcun modo perlongar el termine, aziò le cose del Stado nostro non habiano a patir. *Verum*, quando nel termine predicto quelli de chi sono li beni posti in la Signoria li volesseno redimer loro, con la sopraserita condition de danari, siano preferiti tutti li altri; et quando *etiam* li beni fusseno stà alienati ad altri, nel ditto termine de zorni 10 siano retratate le alienation et consignati li beni a li patroni che li volesseno recuperar con el modo predicto; et quelli de chi serano li beni posti in la Signoria nostra, habino termine prima zorni 15 de recuperarli avanti che i se possano alienar, et in ogni caso de retractation de vendede, li compratori non possano esser retracti se prima non li sarà restituito el denar exborsato.